



Universitätsbibliothek Paderborn

**Sapientissima Dei Mvndvm Regentis Gvbernatio; Ex qua
pendent, quæ vulgò in Casv, Fortvna, Fato, Esse Pvtantvr**

Stengel, Georg

Ingolstadii, 1645

§. 6. In ipsius Christi vita, quanta fuerit, gloriæ & infamiæ rerúmq[ue]
vicißitudo?

[urn:nbn:de:hbz:466:1-52314](https://nbn-resolving.de/urn:nbn:de:hbz:466:1-52314)

stercore pauper eleenaretur. Quanta fuit me-
tamorphosis , ex Crœso Irus, ex Iro Crœ-
sus ? & rursum ab omnibus colebatur ,
qui omnium fuit peripsema. Quis neget
hanc rectam fuisse viam ? Iustus erat an-
tè & misericors , ac in pauperes liberalis ;
sed multò postea , in his virtutibus , confir-
matio. Quia plus discit expertus æstimare
calamitates , vt etiam illa testatur , quæ di-
xit :

Non ignara mali miseris succurrere disco.
Dauid quoties fortunam sensit variatam ?
A proprijs fratribus reprehensus; à Goliath
hoste irrisus; à Nabal neglectim contemtus;
à Michol vxore , cum sarcasmo , spretus ; à
Semei conuicijs fauciatus; ab ipso Saule to-
ties ad necem quæsitus ; per hæc omnia , ve-
lut per atrocem , eámque non vnam tempe-
statem , emersit ad suminam dignitatem rex
factus. Hæc via recta erat , quia erat via He-
roum & generosorum ; per qualem etiam
Poëtæ singunt , Herculem suum meruisse ,
vt inter sidera collocaretur. Horum senten-
tiā non voluptas , sed aduersa illum extule-
runt .

§. VI.

In ipsius Christi vita , quanta , fuerit , gloria &
infamia rerūq; ceterarum vicissitudo ?

I 5

Quid

Luc. 24.
26.

Quid exemplis opus est? Nonne hac, atque eiusmodi plura, ipsum oportuit pati Christum, & ita intrare in gloriam suam? Ut homo debebat nos redimere; ut Deus nobis innotescere. Quia de causa alternum in illo fuit rerum secundarum & aduersarum regnum. Vix, eo in has auras nato, Angeli carmen Genethliacum cecinerunt, & insonuit, per campos, latum illud: *Gloria in excelsis Deo*: cucurrerunt Pastores, & reuersi sunt glorificantes, & laudantes Deum, in omnibus, quæ audierant, & viderant: properarunt ab

Luc. 2.14.

Matth. 2.
11.

Ioan. 1.

Luc. 2.

Oriente Magi, & intrantes domum innuerunt puerum cum Maria matre eius, & præcidentes adorauerunt eum: & apertis thesauris suis, obtulerunt ei munera, aurum, thus & myrrham. Hæc iucunda & honorifica fuerunt; sed interuenere & præuenere iniuncta ac difficultia toleratu. Nam *in propria venit*, & *sui eum non receperunt*: non enim etiam nondum nato, erat ei locus in diuersorio. Neque locus erat, cum natus esset, de qua causa, inter bestias, in stabulo habitauit. Magna est diuersitas, inter pecudes iacere, & reges habere adoratores. Octiduum ie- rat, & iam cæpit vulnerari; iam sanguinem fundere, cum circumcideretur, haud sanè

exi-

exiguo cruciatu. Laudatus est à Simeone & Anna , in templo , sed ad internecionem mox quæsus ab Herode , atque in exilium fugam facere coactus. In exilio quoq; , vt fit , credibile est , ei non pauca ingrata accidisse. Adultus interfuit nuptijs, interfuit & conuiuijs; sed & 40. diebus & 40. noctib; iejunauit ; sæpiusque esuriit , post magnos labores. Eum illi honorem exhibuit Magdalena accumabenti , vt calidis lachrymis pedes eius ablueret , atque illis capillis tergeret , quos antè ornauerat in omnem vanitatem. Sed hunc honorem Pharisæus importunissima murmuratione contaminauit , mellique acetum infudit. Alias cù m , ob miraculorum patrationem , ab omnibus alijs pro magno Prophetā , pro Filio , Dei , pro Messia haberetur ; inuidia Iudæorum non nullorum omni eum contumelia affecit ; variorūmq; impositione criminū onerauit . In monte Thabor , instar solis , effulsit , ipsaque etiam vestis eius , tanquā nix splenduit : vt iudicarent Apostoli , bonum esse , vt ibi habitarent . At quām atrociter hunc montem mons Oliueti , ac mons Caluariæ compensauit ? In monte Oliueti , *Tristis erat anima illius usq; ad mortem* ; & vestes eius ,

in-

instar vermiculi ; sanguineo sudore madentes erubuerunt. Ibi illi ipsi tres Apostoli Petrus, Ioannes & Iacobus, non dixerunt: *Bonum est, nos h̄ic esse*, sed & illi, & ceteri omnes, *relicto eo, fugerunt*. Postea, vsq; ad ultimum spiritum, nullam bonam horam habuit ; omnibus totius corporis membris, omnibus animæ potentijs, omnibus modis, cruciatus est : falsò accusatus, iniuste damnatus, diriter flagellatus, spinis crudeliter coronatus ; clavis lanceisque viuus ac mortuus immaniter transfossus ; nec sine summa infamia in patibulum adactus, inter latrones, atque instar latronum, interfectus est. Hæc via fuit ipsius Filij Dei : *hæc oportuit pati Christum, & ita intrare in gloriam suam*. Per talia, datum est illi nomen, quod est super omne nomen. Sic, media die, sol obscuratus, sic petræ scissæ, sic monumenta aperta ; sic gloriosa resurrectio testata est, eum esse Dominum uniuersi.

Luc. 24.
26.

§. VII.

Exemplo varijs Casibus actorum, nullum nos Casum grauiter accipere debere.

Quod si igitur hæc via, per tot abrupta & scopulos, via recta est, cum sit via Sanctorum, & via ipsius Filij Dei : quis est, qui non